



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გეოდეზიური განათლება

გეოდეზიური განათლება, გეოდეზიისა და კარტოგრაფიის დარგის სპეციალისტთა მომზადების სისტემა.

საქართველოში გ. გ-ის ფუძემდებელია ა. ბენაშვილი. გეოდეზიის სწავლება სხვადასხვა ფაკ-ტის სტუდენტებისთვის დაიწყო თსუ-ში 1922, გეოდეზიას ძირითადად სწავლობენ საქართვე. ტექ. უნ-ტის სამთო-გეოლ., სამშენებლო, სატრანსპორტო და არქიტექტურის ინ-ტებში. ტექ. უნ-ტის სამთო-გეოლ. სასწ.-სამეცნ. ინ-ტში ამზადებენ სამთო ინჟინერ-მარკშეიდერებს (1938-იდან) და ინჟინერ-გეოდეზისტებს (სპეციალობა გაიხსნა ნ. თევზაძის თაოსნობით 1978-იდან). კარტოგრაფიაში სპეციალიზაციას ეუფლებიან თსუ-ის გეოგრ.-გეოლ. ფაკ-ტზე. მიწათმოქმედებას ამზადებენ საქართვე. აგრ. უნ-ტში. გეოდეზიას ასწავლიან სამხატვრო აკადემიაში და მრავალ კომერც. უმაღლეს სასწავლებელში. გეოდეზიურ ციკლში შემავალი დარგების საშ. განათლების მქონე სპეციალისტებს ამზადებდა თბილ. ა. ბენაშვილის სახ. ტოპოგრაფიული ტექნიკუმი. შემდეგ ტექნიკუმი გადაკეთდა კოლეჯად და 90-იან წლებში ტოპოგრაფიული ტექნიკუმის დახურვის შემდეგ, თბილისსა და საქართ. სხვადასხვა ქალაქში გაიხსნა ერთ და ორ სემესტრიანი სასწავლებლები, სადაც ძირითადად საამბომვლელო საქმეს ასწავლიან. რომლებმაც ჩაანაცვლეს ტოპოგრაფიული ტექნიკუმის საქმიანობა. ამჟამად გეოდეზიის სპეციალისტებს ამზადებს საქ. ტექნიკური უნივერსიტეტი, სადაც ისწავლება გეოდეზია, სამარკშეიდერო საქმე, საინჟინრო გეოდეზია და ტოპოგრაფია.

ლიტ.: ა ბ ა შ ი ძ ე ვ., გეოდეზიური გრავიმეტრიის მოკლე კურსი, თბ., 2004.,
ე რ ქ ლ მ ა ი შ ვ ი ლ ი ი, სამარკშეიდერო საქმე, თბ., 2016; თ ე ვ ზ ა ძ ე მ.,
მ ე ს ხ ი მ., გამოყენებითი გეოდეზიის კურსი (ორ ნაწილად), თბ., 2011-12;

თ ე ვ ზ ა ძ ე მ., ც უ ც ქ ი რ ი ძ ე ს., გეოდეზია ტოპოგრაფიის საფუძვლებით, თბ., 2018; ქ ვ ა ც ა ბ ა ი ა ფ., მიწის (უძრავი ქონების) რეგისტრაცია, თბ., 2018.

მ. თევზაძე
